

读史论略

讀史論略


李唐署檢

上海图书馆藏书






A541 212 0008 8689B

標點註釋讀史論略



歷代統圖



清

讀史論略

朱子因司馬氏通鑑作綱目，上起戰國，下終五代，凡千三百六十有二

年。起周威烈王二十三年，終周世宗顯德六年。自宋而下，以迄明末，又六百八十有五年。起宋太祖建隆元年，終明懷宗崇禎十七年。

統計二千有四十七年。其一統者八：曰秦；曰兩漢；曰晉；曰隋；曰唐；曰宋；曰元；

曰明。偏安者十有二：曰蜀漢；曰東晉；曰宋；曰齊；曰梁；曰陳；曰後梁；後唐；後晉；

後漢；後周；曰南宋。割據者三十六：蜀漢時曰魏，曹丕篡漢，據中原。曰吳，孫權據江東。晉宋間曰

二趙，前趙匈奴劉淵據平陽。後趙羯石勒據襄國。曰三秦，前秦苻洪據長安。後秦羌姚弋仲據長安。西秦鮮卑乞伏國仁據金城。曰五涼，前涼張軌據涼州。後涼氏會呂光據姑

臧。南涼鮮卑禿髮。孤據廣武。北涼段業據張掖。匈奴沮渠蒙遜繼之據姑臧。西涼李暠據燉煌。曰四燕，前燕鮮卑慕容廆據鄴。後燕慕容垂據中山。北燕馮跋繼

曰成，李特據蜀。曰夏，匈奴赫連勃勃據朔方。北朝曰後魏，鮮卑拓跋珪據有中原後改姓元氏。曰東魏，元善見據鄴。西魏，元寶炬據長安。曰

北齊，高洋篡東魏。曰北周，宇文泰篡西魏。五代時曰吳，楊行密據淮南。曰南唐，李昇據江南。曰西蜀，王建據四川。後蜀，

孟知祥據四川 曰南漢，劉隱據廣州 北漢，劉崇據晉陽 曰楚，馬殷據湖南 曰吳越，錢鏐據兩浙 曰閩，王審知據福州 曰南平，高季興據荆南

兩宋時曰遼，契丹耶律阿保機 曰夏，元昊據夏州 曰金，女真完顏阿骨打 其間治亂興亡之迹，可約舉而

論次焉。

自古天下之亂，莫如戰國。燕，趙，韓，魏，齊，楚合從擯秦，卒為秦并。始皇政名

，實姓呂氏，在位十二年。 一天下，任用李斯，盡反先王之道，以暴虐為天下先，焚書坑儒，怒

長子扶蘇之諫，使之監軍在外，此沙邱矯詔所由來也。始皇令天下有藏詩書百家語者，詣守尉雜燒之。又坑諸生四百六

十餘人於咸陽。長子扶蘇諫，始皇怒使北監蒙恬軍於上郡。後始皇崩於沙邱，丞相李斯宦者趙高矯遺詔立胡亥為太子。遂殺扶蘇蒙恬。 彼自以為關中之固，金城千

里，子孫帝王萬世之業，孰知「亡秦者胡」。燕人盧生奏錄圖書曰，亡秦者胡也。始皇乃使蒙恬北擊胡。後亡秦實胡亥。 趙高

弑之望夷，二世名胡亥，在位三年，將祀涇齋於望夷宮，高使閻樂弑之。 子嬰降於軹道，子嬰在位四十六日，沛公至霸上，嬰奉天子璽符降于軹道旁。 凡

三世一十五年而竟滅矣！豈非無道秦亂極使然哉！

自漢興而天下一治。高帝姓劉名邦，在位十二年，一泗上亭長，與項羽共逐秦鹿，乃羽

弑義帝，而帝爲發喪；

項羽遷義帝於長沙，使人弑之江中。帝至洛陽，親爲發喪，告諸侯討羽。

羽坑降卒，屠咸陽，

章邯降楚，羽夜坑秦降卒二十餘

萬人於新安城南，引兵入關，屠咸陽，殺子嬰，燒秦宮室。

而帝不殺子嬰，與父老約法三章；

諸將請誅子嬰，帝不許，乃以屬吏。帝與秦父老約法三章：殺人

者死，傷人及盜抵罪，餘悉除去秦法。

羽有一范增不能用，至兵圍垓下，身死東城，

羽至垓下，漢兵圍之數重，羽潰圍出至東城，自劍死。

而帝知人善任，用三傑，

蕭何，張良，韓信。定三秦，

帝使韓信還定三秦，雍王卬皆降。五載而成帝業，卽

位都長安，規模宏遠。然威加四海，獨不能制一呂雉，

呂后名

醢韓彭，陳豨反，信稱病不從擊豨。呂后

詐言豨敗死，給信入賀，后使武士縛信斬之。彭越不從擊豨，梁太僕告越反，帝赦爲庶人；后言於帝，遂夷三族。

醢趙王，慘極「人彘」，

以致孝惠不

祿，趙王如意戚夫人所生，帝嘗欲立之。孝惠元年來朝，后使人醢殺之。遂斷戚夫人手足，使居廁中，號曰人彘，召孝惠觀之，大驚，因得病。孝惠名盈，高帝長子，在位七年。

母后臨朝，呂姓

，名雉，字娥姁，僭位八年。

竟欲滅諸劉，王諸呂，幸王陵守正，

后欲王諸呂，問右丞相陵，陵曰：「高祖刑白馬盟曰：『非劉氏而王，天下共擊之。』」

平勃交權，

陳平用陸賈計，以千金交權絳侯，於是平勃深相結以誅諸呂。

卒安劉氏，然「安劉者勃」，帝固逆知之

矣。帝謂呂后曰：「周勃厚重少文，然安劉氏者必勃也。」乃命爲太尉。

諸大臣迎立代王，是爲文帝。

名恆，高祖中子，改元者二，在位二十三年。恭儉

慈惠，務以德化民；其除誹謗，去肉刑，蠲租稅，猶小焉者也。匈奴三入而三拒

之，十一年匈奴寇狄道，十四年又入寇，後六年又寇上郡雲中。令邊備守不發兵深入，煩苦百姓。卽位二十三年，宮

室園囿，狗馬服御，無所增益。以敦樸爲天下先，洵乎「德厚侔天地，利澤施

四海，」靡不獲福焉。豈以獄周勃，勃免相就國，人有告勃欲反，逮治之。薄太后言於帝，乃赦之。寵鄧通，帝幸鄧通，官上大夫賜銅山，得

自鑄錢。短喪廢禮，遺詔令天下吏民：出臨三日釋服，殿中三十六日釋服。少之。景帝名啓，孝文中子。改元者三，在位十六年。遵業，節儉似孝文，

然刻薄少恩。斬晁錯以謝七國，錯爲御史大夫，請諸侯有過削其地。三年，七國反，以誅錯爲名，帝聽袁盎說，斬錯東市。薄后，太子以

無罪廢，六年廢皇后薄氏，七年廢太子榮爲臨江王。周亞夫以不食死，亞夫子爲父買工官尙方甲楯可葬者，爲人所告，召詣廷尉，不食，五日死。其視文

帝何遠哉！文景之世，可稱富庶。然稽古右文，則在孝武，名徹，景帝太子。始建年號，改元者十一，建元六，元光六，元

朔六，元狩六，元鼎六，元封六，太初四，天漢四，太始四，征和四，後元二，在位五十四年。首舉賢良，董仲舒，公孫宏等出焉。羣才輻輳，號令文章，

燦然可述。然患在好名，申公勉之以力行，上問治亂之事，申公對曰：爲治不在多言，順力行何如耳。汲黯戒之以

多欲，黯對上曰：「陛下內多欲而外施仁義，奈何欲效唐虞之治乎？」曾不之省。乃奢靡窮黷，卒致海內虛耗，盜賊蠡起。

幸帝天資素高，下詔輪臺，勇於改過，桑安羊言輪臺東有漑田五千頃，可遺屯田卒詣田所墾田，帝不聽。深陳既往之悔。而臨崩付

託，尤爲得人。帝臨崩，立昭帝爲太子，以霍光爲大將軍，受遺詔輔少主。孝昭卽位，名弗陵，武帝少子。改元者三：始元六，元鳳六，元平一，在位十三年。霍光

秉政，稍復文景之業。繼之者孝宣，名詢，改元者七：本始四，地節四，元康四，神爵四，五鳳四，甘露四，黃龍一，在位二十五年。武帝曾孫，

戾太子孫也。初太子遭巫蠱事，征和二年，使者江充等掘蠱太子宮，太子發兵斬江充，兵敗，太子自殺。曾孫襁褓繫獄，廷

尉丙吉心知太子冤重，哀曾孫，令乳養之。丙吉任廷尉，令女徒乳養曾孫。望氣者言獄中有天子氣，上遣使令繫獄者無輕重皆殺之，吉不納曰，

「他人猶不可，况親曾孫乎？」帝悟曰，「天使之也。」光廢昌邑王，迎立之。昭帝無嗣，立昌邑王賀爲帝，在位二十七日，淫戲無度，光告太后廢之，立孝宣。孝宣起

閭闔，勵精爲治，招選茂異，帝在位數舉賢良，又詔諸儒講五經同異。史謂功光祖宗，業垂後世，不虛也。

然不省徐福之言，釀成霍氏之禍。徐福嘗言霍氏太盛，宜以時抑之。地節四年，霍氏謀反，族誅。且用恭顯，安恭，石顯，皆以中黃門相

繼爲中書令。而啓元帝之信宦官，貴許史，孝宣許皇后外家侯者三人，展太子史良姊外家侯者四人。而啓成帝之任外戚；

殺趙蓋，廣漢，寬，韓壽，楊憚。而啓哀帝之誅大臣。故識者謂西京之衰，自宣帝始。

自是昏庸相繼。元帝，名爽，孝宣太子。改元者四：初元五，永光五，建昭五，竟寧一，在位十六年。立后王氏成帝。名懿，孝元太子。改元者七：建始四，元延四，綏和二，在位二十六年。封舅王崇，以太后同母弟封安成侯。委政王鳳，以元舅王鳳爲大將軍領尚書事。延及孝

哀，名欣，元帝庶孫。改元者二：建平四，元壽二，在位六年。王莽專政。哀帝崩，太皇太后以新都侯王莽為大司馬領尚書事。孝平，名衍，元帝庶孫，改元元始。在位五

年，弑之，日上寢疾，莽因臘日上椒酒弑之。立孺子嬰，宣帝元孫。改元者二：居攝二，初始一，在位四年。莽篡漢，封安定公。居攝踐祚，自稱新皇

帝者十五年。改國號曰新。王莽字巨君，僭位十五年。更始繼之，名元，孝景七世孫，改元更始，在位二年，後降赤眉被殺。光武即位，封淮陽王。豪傑失

望。南陽豪傑，欲立劉縯，新市平林將帥，憚縯威名，貪元懦弱，遂立之，豪傑由是失望。及眾共誅莽，傳首詣宛，而王郎，詐稱成帝子子與

銅馬，賊號赤眉，瑯琊樊崇，立劉盆子為帝。之徒之亂且未有已矣。

東漢光武中興，名秀，景帝七世孫。改元者二：建武三十一，建武中元二，在位三十三年。而天下一治。起兵春陵，昆陽

克捷，莽將王尋王邑將兵十萬圍昆陽城，帝與敢死三千人破之。渡河而除莽苛政，與入關而除秦苛法一也。恢廓

大度，同符高祖，而推心置腹，始終保全功臣則過之。天下初定，首建學校以

復三代之盛。封卓茂，茂為密令，王莽居攝，以病免歸，帝即位，以為太傅，封褒德侯。尊侯霸，王莽篡位，霸棄冠帶絕交遊，至物

色嚴光，帝少與光同學，及即位，以物色訪之。東漢節義之風，實基於此。雖廢郭后，易太子，太子驪以母

安，數懇備藩國，乃封為東海王，立陰后子為太子。信圖讖，帝以赤伏符即位，由是信用讖文。行封禪，詔梁松等索河維讖文，言九世封禪事，因封泰山，禪梁父。不免為

盛德之累；然論中興令主，罕與爲儷。明帝名莊，光武第四子。改元永平，在位十八年。繼體守文，史稱察

察，法令分明；又垂情古典，臨辟雍，置五經師，故永平之政，與建武並美。惟是

求書天竺，爲佛法入中國之始，千古譏之。永平八年，佛法始入中國。章帝名恆，明帝第五子，改元者三：建初八，元和三，章和

二，在位十三年。寬厚愛民，尊師重學。其失在廢太子廢廢，立廢，爲太子，寶氏所譖死。而容寶

憲。皇后兄。孝和以幼沖卽位，名肇，章帝第四子，十歲卽位，寶太后臨朝。改元者二：永元十六，元興一，在位十七年。憤然誅憲，第不謀

之袁安任隗安爲司徒。隗爲司空。而謀之鄭衆，憲爲大將軍，與郭舉等謀逆。帝與中常侍鄭衆定議誅之。寺人之權，從茲而盛。

孝殤名隆，和帝少子，改元延平，在位八月。崩在襁褓。安帝名祐，章帝孫，清河王慶子。改元者五：永初七，元初六，永甯一，建光一，延光四。在位十九

年，鄧太后臨朝十六年，始得親政，於是斥鄧氏。太后崩，宮人誣告太后兄弟郭舉等謀立平原王，皆免爲庶人，隗自殺。而

用閻氏，皇后兄大綱顯顯等內寵益盛，中常侍江京等京與李閻樊豐及乳母王聖，及聖女伯榮。交通奸賄，楊

震疏諫不省，卒以廢死。震爲太尉，數諫，樊豐等譖之，遣歸大郡，至城西夕陽亭，飲酎而卒。及順帝立，名保，安帝太子。改元者五：永建六，陽嘉四

永和六，漢安二，建康一，在位十九年。而閻顯誅，其謀皆出中黃門孫程九人。自是權歸宦官矣。雖

名恆，高帝中子

，先封於代。

恭儉慈惠，務以德化民；其除誹謗法，去肉刑，

蠲租稅，猶其小焉者也。

詔曰：「誹謗妖言有罪，是使羣臣不得盡情，而上無由聞過也；其餘之。」○齊太倉令淳于意，有罪

當刑，少女緹縈，願沒入為官婢。贖之。帝憐之，赦意，并除肉

刑。○帝導民務本，嘗賜天下田租之半，後又詔除田之租稅。

匈奴三入而三拒

之，十一年匈奴寇狄道，十四年又入寇

令邊備守，不發兵深入，煩苦百

姓；即位二十三年，宮室園囿狗馬服御，無所增益，以敦樸

為天下先；

起露臺，計值百金，曰：「百金，中人十家之產；吾奉先帝宮室，常恐羞之，何以臺為？」乃止。帝身衣卑絺，後宮衣不曳地，帷帳無文繡。

洵乎德厚侔天地，利澤施四海，靡不獲福焉；豈以獄周勃，

有告勃反者，帝下勃獄，以薄太后言赦之。勃既

寵鄧通，

賜通銅山，使自鑄錢。

短喪廢

出，曰：「吾嘗將百萬兵，安知獄吏之貴乎？」

禮，遺詔以日

少之。景帝

名啓，文帝子。

遵業，節儉似孝文。然刻薄少

易月。

山東諸侯，袁紹，韓馥，劉岱等。羣起以討卓爲名，黃巾之徒復日以熾，黃巾賊張角起靈帝時，皇甫嵩擊破之，其後賊衆蔓延天下。

曹操乘之，肆行凶逆，甚至弑國母，殺太子，操弑皇后伏氏及二皇子。「天子不知命在何時！」

嗚呼！漢之爲漢，泊獻而盡矣。

後漢昭烈，名備，景帝子中山靖王之後，曹丕篡漢，帝即位於蜀，改元章武，在位三年。以帝室之胄，卽位成都，與北魏

東吳孫權三分鼎足，雖機權不逮魏武，而宏毅寬厚。誠哉！「操以暴，吾以仁，操

以譎，吾以忠，事無不可成也。」昭烈第孫劉之好不終，關侯被戕，侯破曹仁於樊城，孫權遣呂蒙襲

原，殺侯取荆州。鞠躬盡瘁，一十二年，而天不相蜀，亮卒於軍。亮以後主建興十二年伐魏，卒於五丈原。蔣琬董允相繼

代謝，黃皓擅權，後主愛宦黃皓，皓畏董允，不敢爲非。允卒，皓始預政，操弄威權，終以覆國。闇弱如後主，名禪，昭烈太子。改元者四：建興十五，延熙二十

其能免於覆國哉！然綿竹之戰，臣死其君，亮子瞻，督軍拒鄧艾，戰於綿竹，與其子尙皆死之。

成都之降，子死其父，後主降魏，皇子北地王諶哭於昭烈廟，殺妻子而自殺。昭烈孔明，猶凜凜有生氣焉。雖二主

乃奢靡窮黷；

起柏梁臺，作建章宮，封泰山，求蓬萊，擊匈奴，通西南夷。

卒至海內虛耗，

令民買爵贖罪。

盜賊蜂起。

太初二年，東方盜發。

幸帝天資素高，下詔輪臺，勇於改過；

輪臺，西域地名，在車師國西北千里；桑宏羊，請募民壯健敢徙者，詣輪臺墾田築亭，以

威西國，帝乃下詔，陳既往之悔，曰：「乃者擊匈奴，軍士死略離散，悲痛常在朕心；今乃

請遠田輪臺，是擾勞天下，非所以優

民也；朕不忍聞！」自是不復出軍。

而臨崩付託，尤為得人。

帝欲立少子弗陵為嗣，察羣

臣中，惟霍光可屬社稷，畫周公負成王朝諸侯圖賜之。帝疾篤，

以光為大司馬大將軍，與金日磾受遺詔，輔少主，明日帝崩。

昭帝

名弗陵，武帝少子。

即

位，霍光秉政，稍復文景之業。

帝年八歲，政事壹決於光，慎刑薄斂，天下又安。

繼之者宣

帝，

名病己，更名詢。

武帝曾孫，戾太子孫也。初，太子遭巫蠱事，

巫蠱

者，武帝時，方士及諸神巫，多聚京師惑衆，女巫往來宮中，教美人度厄，宜埋木人祭祀之；更相告訐，以為祝詛。帝心既疑，嘗晝寢，夢木人數千，持杖欲擊帝；帝驚寤，體遂不平；水衡都尉江充，故與太子有隙，因言帝疾，祟在巫蠱；且言宮中有蠱氣。帝於是使充入宮，掘地求蠱，充奏於太子宮，得木人尤多，持太子急。太子捕充斬之，舉兵反，兵敗

縛輿櫬而降晉矣。王濬自武昌順流而下，直指建業，皓詣軍門降。

晉武覆姓司馬，名炎。改元者三，秦始皇十，咸寧五，太康十，在位二十五年。篡魏并吳，都洛陽，除吳苛政，輔之以羊

杜預諸臣，似乎天下可治。而平吳之後，日即怠荒。既縱劉淵，平吳二年，遷孫皓，姦妾五千人入宮。

開五胡亂華之首；淵，匈奴遺種也。初，魏武分匈奴之衆居并州境內，左部帥劉豹子，淵代爲左部帥。又詔罷州郡

兵，山濤之言不聽，濤言不宜去州郡武備。郭欽之疏不行，欽言宜徙內郡，繼以孝惠昏愚。子，改元者

七：永熙一，元康九，永康一，永寧一，泰安二，永興二，光熙一，在位十七年；中爲趙王倫所廢，後反正。賈氏煽亂，賈充女，荒淫放恣，弑太后，殺太子，趙王倫殺之於金墉城。八王

搆兵，汝南王亮，楚王禕，趙王倫，齊王冏，成都王穎，長沙王乂，河間王禹，東海王越。自相魚肉。雖張華賈模裴頠協力同心，而

王戎專事虛名，官司徒，與時浮沈，無所匡救。王衍清談誤國，衍少時，山濤見之，謂：「誤天下蒼生者，必此人也。」官太尉，爲石勒所殺。延及

懷名熾，武帝孫，改元永嘉，在位六年。愍名業，武帝孫，改元建興，在位四年。辱死虜廷。二帝先後陷於劉聰，遇害。自孝武建一統之

業，至是凡四主，歷五十二年，天下分裂。

瑯琊王睿司馬懿曾孫，瑯琊王觀之子。初爲安東將軍，鎮建業；及愍帝遇害，乃即位於建康。據有江東，都建康，爲東晉元帝，

改元者三：建武一，太興四，永昌一，在位六年。

史稱其光啓中興。由是而明帝，

名紹，元帝子，改元太寧，在位三年。成帝，名衍，明帝長子，改元

者二：咸和九，咸康八，在位十七年。康帝名岳，成帝弟，改元建元，在位二年。穆帝名聃，康帝太子，改元者二，永和十二，升平五，在位十七年。哀帝名丕，成帝長子，改元者二，隆和一，興寧三，在位四年。廢帝名奕，哀

帝弟，改元太和，在位五年。簡文帝名昱，元帝少子，改元咸安，在位二年。以迄孝武，名曜，簡文子，改元者二：寧康三，太元二十一，在位二十四年。王導，勸帝優禮賢士，克

以安。謝安，時人比之王導。先後當國，有祖逖，為豫州刺史。陶侃，為荊州刺史，進太尉。溫嶠，為丹陽尹，拜驃騎將軍。及桓沖，

為揚豫江州刺史，反兄溫所為，盡忠王室。謝元，安兄子，為冠軍將軍。等，故能誅王敦，敦懷異志，畏祖逖不致發，逖死，益無憚。溫嶠以逆謀告帝，帝與王導定計討之，敦死，戮

其屍。斬蘇峻，峻與祖約反，陶侃溫嶠討斬之。從容以消桓溫之心，溫陰蓄不臣之心，廢帝為東海王後來朝，傳云欲除王謝，因移晉祚，安與笑語移日，遂還鎮

談笑以折苻秦之寇。符堅入寇，謝安使元等大破之于淝水，斬其將苻融。及桓元篡位，元，溫子，以討元顯為名，入京師，篡位，國號楚。而劉

裕乘之，裕入討元，誅之，復帝位，自為揚州刺史，錄尚書事。安恭被弑，安帝名德宗，孝武子，改元者三，隆安五，元興三，義熙十四，在位二十二年，初為桓元所廢，尋復位，恭帝名德

文，孝武次子，改元元熙，在位二年；皆為劉裕所弑。凡十一主一百四年，而東晉亦亡。

其割晉中原，縱橫於河北廣南者，凡十六國，詳見前註而五胡為大。劉淵，匈

奴也，而居晉陽；石勒，羯也，而居上黨；姚氏，仲羌也，而居扶風；苻氏，洪氏也，而

居臨涓慕容厲鮮卑也，而居昌黎。其亂則自劉淵倡之。淵自孝惠永興元年，自稱大單于，尋建號改元。

子聰，族子曜，弑懷愍，曜以惠帝后而后羊氏羊氏為后犯晉之罪，劉為首惡，石勒繼之。勒

自謂「礪礪落落」，雖曰凶殘，亦一時傑也。勒嘗謂人曰：「大丈夫當礪礪落落，終不欺人孤兒寡婦，狐媚以取天下。」慕容

廆於元帝勸進，建武初，廆遣長史王濟浮海勸進史特嘉之；慕容垂威名尤烈。垂初不容於慕容評，出奔秦，符堅兵敗，垂自稱王，復燕國

土。苻堅能用王猛，猛初見桓溫，捫蝨而談，旁若無人，後苻堅招之，一見大悅，自謂如劉玄德之遇孔明也。獨不聽其臨歿之言，大舉

入寇，以迄敗亡。猛臨死曰：「臣歿之後，願勿以晉為圖。」後伐晉敗亡，堅悔曰：「吾不用王景略言使虜敢至於此！」姚弋仲語諸子曰：「我死，

汝便歸晉，當盡臣節。」弋仲以穆帝永和七年降晉，拜大單于。其義有足稱焉。他若乞伏仁國赫連勃諸

僭國，可置勿論。總之，五胡之亂，與晉相終始。及晉之亡，拓跋魏興，見後天下遂

分爲南北矣。

南朝則宋武劉裕。漢高帝弟楚元王交之後，改元永初，在位三年，篡晉而有天下。傳至順帝，凡八主，

武帝裕，少帝義符，文帝義隆，孝武帝駿，廢帝子業，明帝彧，蒼梧王昱，順帝準。義符武帝長子，改元景平，在位一年。昱，明帝長子，改元元徽，在位四年。準，明帝第三子，改元昇明，在位二年。

而齊

篡之。齊太祖蕭道成，

漢蕭何後，改元建元，在位四年。

傳至和帝，凡七主，

太祖道成，武帝頤，鬱林王昭業，海陵王昭文，明帝鸞，東昏侯寶融，

和帝寶融。昭業，太子長懋長子，在位一年。昭文，太子長懋第二子，在位三月。寶融，明帝第八子，改元中興，在位二年。

而梁篡之。梁武帝蕭衍，

齊之疎族，改元者七，

天監十八，普通七，大通二，中大通六，大同十一，中大同一，太清三，在位四十八年。

傳至敬帝，凡四主，

武帝銜，簡文帝綱，元帝繹，敬帝方智。

而陳篡之。

武帝陳霸先

漢陳實後，改元永定，在位三年。

傳至長城公，凡五主，

武帝霸先，文帝蒨，廢帝臨海王伯宗，宣帝瑱，後主叔寶。伯宗，文帝嫡長子，改

元光大，在位二年。

而隋滅之。自晉以來，篡弑之禍，實由宋武啓之。文帝

名義隆，武帝第三子，改元元嘉，在位三

十年

元嘉之政，江左稱最，而元凶之亂，開關未聞。

文帝太子劭，弑帝。

孝武帝

名駿，文帝第三子，改元者

二，孝建三，大明八，在位十一年。

誅劭，而後子業，

廢帝，名子業，孝武帝長子，改元景和，在位一年。

幽諸父，

始安王休仁等

明帝

者二，泰始七，泰豫一，在位八年。

殺諸王，

安陸王子綬等骨肉相殘，終於滅族。蕭公

齊太祖

篡國之後，儉德亦

如宋武，而溺愛猶子蕭鸞，

太祖兄安王道生子

階之爲禍。武帝

名曠，太祖太子，改元永明，在位十一年。

嗣立，永明

之世，可比元嘉；及臨崩，以朝事委鸞，禍及兩孫，

鬱林海陵兩王，皆爲鸞所弑。

祚歸異派。鸞號

明帝，

改元者二，建武四，永泰一，在位五年。

子卽東昏，

名寶卷，明帝第二子，改元永元，在位二年。

六貴同朝，始安王遙光，徐孝嗣，江祐，江祀，蕭坦之，劉暉。

大亂又作。蕭衍起兵襄陽，巴陵行弒。衍廢和帝爲巴陵王，尋弒之。其享國最久而捨身同泰。

梁王信佛，三度捨身同泰寺。困死臺城。侯景陷臺城，帝飲膳亦爲裁節，憂憤成疾，遂殂。簡文。名綱，武帝第三子，改元大寶，在位二年。辭藻雅似昭明。

梁武帝子暹卒復罹土囊之禍。侯景既篡，使王偉進土囊壓弒之。洎乎侯景伏誅，景篡梁自立，湘東王繹與王僧辯等討之，景兵大潰，後爲其下羊鴟所弒，

傳首江陵。江陵卽位。元帝卽湘東王繹，武帝第七子，改元承聖，在位三年。魏兵且至，戎服談元，繹之出降而見

弒，宜矣。魏遣于謹伐梁，梁主猶講老子於龍光殿，百官戒服聽講，魏兵執梁主弒之。陳霸先立敬帝，名方智，元帝第九子，改元者二，紹泰一，太平二，在位三年。而

尋弒之。江陵既陷，霸先奉帝卽位，三年弒之而自立。又躬蹈梁武之轍，捨身幸寺，捨身大莊嚴寺，賄謀如此，不待賀

若弼韓擒虎之來而兆已見矣。雖文帝名備，武帝兄，始興王長子，改元者二，天嘉六，天康一，在位七年。起自艱難，

知民疾苦，見文帝紀宣帝名頊，始興王第二子，改元太建，在位十四年。亦有恢宏之度，見宣帝紀而叔寶後主名，宣帝長子，改元

元者二：至德四，禎明二。在位六年，降隋，封長城公。荒淫，加以江總浮華，後庭狎客，有不日卽於亡者哉！後主

荒於酒色，與張貴妃孔貴人等狎客江總孔範等酣飲賦詩，及隋兵臨，江猶奏伎縱酒不輟，隋將賀若弼韓擒虎分道濟江，城遂陷。自宋及陳，百七十三年之間，亂

之至而亡之速，其不如北魏多矣！

竇太后忌梁氏，而容竇憲。憲，竇皇后兄。以賤直奪沁水公主田園，發覺因譖竦下獄死。帝召憲切責，皇后為毀服謝罪，憲竟得免。

名肇，章以幼沖卽位，憤然誅憲；第不謀之袁安任隗安為司徒，隗為司

空而謀之鄭衆；寺人之權，從茲而盛。衆，宦者，謹敏有心機；時憲謀逆，帝察朝臣多附憲者，遂

與衆定謀誅憲；帝子。孝殤名隆，和崩在襁褓，安帝名祐，章帝孫。在位，十九年

，鄧太后臨朝，十六年，始得親政；於是斥鄧氏而用閻氏，

閻后外家。內寵益盛；中常侍江京等，及乳母交通奸賄，鄧太后久攬朝政，帝乳母王

聖，與中黃門江京等交通，共毀短太后。太后崩，帝遂貶鄧騭而用閻后弟顯，朝政愈亂矣。楊震疏諫不省，卒以廢死。

震，字伯起，時稱關西夫子；有暮夜遺以金者，震曰：「天知，地知，我知，子知。」卻不受。或勸震為子孫開基業，震曰：「使後世稱為清白吏子孫足矣！」官太尉，數諫被讒，

飲鴆死。及順帝名保，安立而閻顯誅，其謀皆出中黃門孫程十九人

名廣，文帝第二子。改元大業，在位十三年。由長安遷都洛陽。幸江都，字文化及弒之。傳至恭帝，楊帝孫侑，唐公立之。

改元義寧，在位二年；侑，王世充立之；俱諡恭帝。凡四主，三十九年而亡。按亡隋大與秦類。雖文帝初政勝

於始皇，而煬帝之惡浮於胡亥，恭帝之弱等于子嬰。李密起兵滎陽，密據洛，自稱魏公。

一如陳涉。秦時倡亂之首。於是亡命之徒，雲集響應，竇建德王世充字文化及等各據一方，共十八國，皆改元稱帝。九宇分崩。

蓋自漢末至此，垂四百餘年，均為亂世。

乃至唐興而天下一治。高祖，姓李，名淵，周唐國公虎後。改元武德，在位九年。乘亡隋之弊，起兵太原，

帝為太原留守，子世民，與晉陽令劉文靜，勸帝起兵。六年之間，功成一統，定都長安，與民約法十二條，悉除隋

苛政。迄乎太宗，名世民，高祖次子。改元貞觀，在位二十三年。豁達類漢高，神武同魏祖，除亂比湯武，致

治幾成康，又居安思危，諫無不納，長孫無忌房元齡杜如晦魏徵諸賢相為夾輔，故

貞觀之治，千載一時。第太子承乾失德，寵泰嬖恪，帝寵魏王泰，諭于太子，有奪嫡之意。及太子承乾謀反，廢為庶人，泰亦降為

東萊王，立晉王治為太子。吳王恪有文武才，帝又欲立之，長孫無忌力爭之，乃止。以啓奪嫡之志，豈不思建成元吉之事乎！建成元吉，忌

帝功高，謀害之，武德九年六月，帝射殺建成於元武門，并誅元吉。且殺元吉而納其妃，納元吉妃楊氏，生曹王明。瀆倫傷化，唐室宮闈

之亂，自此始。后德如長孫，可以垂範百世。太宗后，仁孝儉素，好讀書，撰女則三十卷。而踵其後者，乃有

韋武。韋武同一淫亂，而武氏才足濟惡。高宗名治，太宗第九子。改元者十四：永徽六，顯慶五，龍朔三，麟德二，乾封二，總章二，咸

亨四，上元二，儀鳳三，調露一，永隆一，開耀一，永昌一，弘道一，在位三十四年。廢后王氏立之，武氏本太宗才人，削髮為尼，王皇后召入為昭儀，遂譖后及蕭淑妃，廢為庶人，立昭儀為皇

后委以政事，嬰武后乃無惡不作。二嫗既死，四皇后淑妃於別院，截去手足，投於酒甕中，曰：『令二嫗骨醉。』酖宏廢

賢，宏賢皆武氏所出，宏立為太子，以逆旨酖死；又立賢，以謀反，廢為庶人。立哲，中宗而又廢之於房州，高宗崩，中宗立，后自臨朝，廢為廬陵王，居房州十四

年殺唐宗室殆盡，越王貞，瑯琊王沖，起兵匡復，不克而死，后遂大殺唐宗室。國號周，稱皇帝。中宗既廢，立豫王旦，旋又廢之，改唐為周。改元十四：曰

光宅，曰垂拱，曰永昌，曰天授，曰如意，曰長壽，曰延載，曰天冊，曰通天，曰神功，曰聖歷，曰久視，曰大足，曰長安，武后僭號稱制二十一年。幸狄仁傑姑姪子母之

諷，起二子兩翼振之對，從容回天，武承嗣三思求為太子，狄仁傑言於后曰：『姑姪與母子孰親？立子則千秋萬歲後配食太廟，立姪則未聞姪為天子而耐姑于廟

者。』后嘗夢鸚鵡，兩翼皆折，以問仁傑，對曰：『武者，陛下之姓，兩翼，二子也，起二子，則兩翼振矣。』后由是無立嗣承三思意，而薦張柬之等，卒成反正之功。

神龍元年，張柬之等舉兵討武氏之亂，張易之昌宗皆伏誅，中宗復位。惜不能數嬰大罪，賜之死而滅其宗。二張雖已伏

誅而三思尚存，通於韋后。中宗名顯，高宗第七子，改元嗣聖，即位二月，為母武后所廢；復位，改元神龍二，景龍三，在位五年。昏庸甚於

高宗，宮中點籌，恣韋所欲。帝在房州，嘗謂后曰：「二朝見天日，當惟爾所欲。」及復位，上官昭容引武三思入宮與后雙陸，帝親為點籌。竄五王，平

王敬暉，扶陽王桓彥範，漢陽王張柬之，南陽王袁恕己，博陵王崔元暉，三思與韋后日夜譖之，各貶遠州，卒為三思所殺。戮太子，太子重俊，入誅武三思武崇訓，兵潰而帝以其首獻太廟及三思崇訓之柩，

然後棄之朝堂。而帝卒致自毒其身。韋之罪視武何如哉！韋后弑帝于神龍殿，立温王重茂，臨朝攝政。臨淄王

宗元初舉兵誅韋，其功莫大。王與劉幽求等勸吳元武門，斬韋后，并諸韋親黨皆斬之。故睿宗名旦，高宗第八子。改元者二：景雲二，太極一，在位三年。

在位不久，傳位元宗。名隆基，睿宗第三子，初封臨淄王，以平韋氏功，立為太子。改元者二：開元二十九，天寶十五，在位四十四年。開元之初，勵精

政事，姚崇、宋璟、張九齡相繼為相，翕然見貞觀之治。及相李林甫蔽主擅權，

黨惠妃，殺三子。武惠妃有寵，譖太子瑛、鄂王瑒、光王琚有異謀，帝問宰相，林甫對曰：「此陛下家事，非臣等所宜預。」遂同日廢為庶人賜死。亂從此生矣。天寶

後楊國忠因貴妃而為右相，國忠為妃再從兄激祿山之反，倡幸蜀之謀，祿山破潼關，國忠以身領劍南節制，

勸帝幸蜀。實皆禍由國忠，宜乎與貴妃並誅之也。帝次馬嵬驛，國忠及貴妃伏誅。肅宗，名亨，元宗第三子。改元者四，至德二，乾元

二，上元二，寶應一，在位七年。即位靈武，帝留太子東討賊，杜鴻漸劉冕等勸進，遂即位于靈武。平安山史思明之亂，收復兩京，至德二年九月

，廣平王叔郭子儀收復西京，十月收復東京。**迎還上皇**，十二月上皇還西京可云再造。然寵張良娣，任李輔國，宦官，依附張良娣。

殺建甯，建甯王倓為張良娣李輔國所譖，賜死。**遷上皇**，上皇居南內，輔國矯詔遷於西內。**聽李泌遠引衡山**，李輔國害其能也。**郭子儀**

李光弼元勳，令魚朝恩節制，九節度討安慶緒，以宦官魚朝恩為觀軍容使。節度由軍士廢立，反授以旌節承

襲，以啓藩鎮之禍。至德二年，平盧節度使王元志死，上遣使往慰曰：「視軍中所欲立者授以旌節。」裨將李寶玉推侯希逸，因以為節度副使。節度由軍士廢立，自此始。**代宗**

名讓，肅宗長子。收元者三，廣德二年，永泰一，大歷十四，在位十七年。**少同患難**，何即位後李泌不為元載所容，匿之江

西，出為江西觀察，使魏少遊判官。子儀功蓋天下，置之閒處，一吐蕃入寇，乃始召之。程元振忌子儀，表請解副元帥。

明年，吐蕃入寇，詔子儀為關內副元帥。而諸鎮之逐節度者，命知留後，權知留後者，旋為節度。始於河

以此養成禍階，致有建中德宗之亂。李希烈平盧節度使，據汴稱帝。朱泚涇原兵亂，據泚為主，僭稱帝，據長安。

李懷光，以破朱泚功，為盧杞所忌，遂反。先後犯關，乘輿播遷，帝幸奉天猶賴陸贄納忠於內，李晟劾

忠於外，晟以孤軍處懷光朱泚二寇之間，徒以忠義感激將士，故衆雖弱而氣不衰。得以收復京城，肅清宮禁。而還京以來，好

貨黜賢，用裴延齡則貶陸贄，延齡判度支，贄力陳其不可，遂罷相，貶忠州別駕。信張延賞則疑李晟，晟與延賞素

延賞之言。獨始終愛護一盧杞。李懷光數上表暴揚盧杞罪惡，帝不得已，貶遠州司馬。後遇赦，欲用爲饒州刺史，袁高陳京等再三執奏，乃以爲澧州別駕。寵任

一寶文場。帝自奉天還，頗忌宿將握兵，以宦官寶文場等爲監軍兵馬使。德宗名适，代宗太子。改元者三，建中西，興元一，貞元二十，在位二十五年。之昏愚甚

矣！順宗名誦，德宗太子，改元永貞，在位八月。在東宮二十年，天下陰受其賜，乃以嬰疾，傳位憲宗。

名純，順宗太子。改元元和，在位十五年。剛明果斷，初用杜黃裳。劉闢反，黃裳薦高崇文討之。繼用裴度諸賢。討淮西久無功，度請督師，遂誅

吳元。高崇文擒劉闢李愬擒吳元濟所向有功，自吳元濟誅，強藩悍將，皆思效順。王承

宗李師道等。元和憲宗年號可號中興矣。顧晚節不終，信宦官。吐突承瓘喜進奉。皇甫鏞，程異數進

密諭諸道進奉，無得申御史臺。好仙迎佛。以方士劉必爲台州刺史，迎佛骨於鳳翔，留禁中二日。乃爲陳宏志官所弑，諱言藥發暴

崩。穆宗名恆，憲宗太子。改元長慶，在位四年。忍父之仇，甫過公除，卽事遊晏。時三鎮相繼叛亂。朱克融復據盧

龍，王庭湊復據成德，史憲誠復據魏博六州。再失河朔，不能復取；而徒信方士，其違疾也亦以金丹。至敬

宗，名湛，穆宗太子。改元寶歷，在位二年。遊幸無常，比昵羣小，雖優詔答丹扈之箴。李德裕獻六箴，帝優詔答之。聽裴

相罷東都之役，帝欲幸東都，按修宮闕，裴度諫，遂止。要與穆宗並以昏童失德。劉克明之弑。帝夜獵還宮，

中官劉克明等弒之。則又一陳宏志矣。文宗名湏，穆宗太子。改元者二，太和九，開成五。中尉王守澄等所立。在位十四年。恭儉儒雅，銳於

為治，太和文宗年號之政，號為清明；其能殺宏志，亦足伸其志也。宏志弒憲宗，至是杖弒之。然承

父兄之弊，宦官撓權，王守澄仇士良等制之不得其術，卒至甘露之變，禍及忠良，不勝

冤憤飲恨而已。帝與李訓鄭注等謀誅宦官，令韓約奏稱金吾院有甘露降，令仇士良帥諸宦者往視。士良見暮後執兵者衆，詣帝告變，因誣訓注等謀反，皆殺之。武宗名炎，穆宗第

五子，中尉仇士良魚宏志所立。改元會昌，在位六年。用一李德裕而澤潞平，三鎮不敢有異志。劉從諫卒，其子瓚自為留後。德裕勸帝諭成德

魏博二鎮討之，二鎮奉詔出師，澤潞遂平。亦且善制奄寺，仇士良去，其黨不至橫行。惜乎求仙而好道，

築望仙臺，以道士趙歸真為道門教授先生。享國日淺。宣宗名忱，憲宗第十三子，亦諸宦官所立。改元大中，在位十三年。嗣位，明察沉斷，從諫

如流，讀貞觀政要，輒慕效之，人故謂之「小太宗」。自是而後，懿宗名漼，宣宗長子，中尉王崇

實所立。改元咸通，在位十四年。則奉佛而已，置戒壇，度僧尼，迎佛骨至京，帝降樓膜拜，流涕露臍。僖宗名儼，懿宗第五子。中尉劉行深，韓文約所立。改元者五：乾符六，

廣明一，中和四，光啓三，文德一，在位十五年。則遊戲而已。帝善騎射，劍槊法算，至首律捕博皆精妙，尤善擊毬，政事一委田令孜。史稱昭宗名傑，懿宗第七子，中

尉楊復恭所立。改元者七：龍紀一，大順二，景福二，乾符四，光化三，天復三。遷都洛陽，在位共十五年。有志興復，而外患既成，朱全忠內無賢佐，

天下大柄，復歸宦官。田令孜後繼以楊復恭，又繼以劉季述，握兵肆凶，與諸

鎮實相表裏。少陽可幽，社稷可輸。帝與崔胤謀誅宦官，中尉劉季述乃幽帝于少陽院，遣使詣朱全忠，許以唐社稷輸之。則椒殿可弑；

帝至洛陽，朱全忠弑帝于椒殿。昭宣。名祝，昭宗子，朱全忠所立。改元天祐，在位四年。之立，寄命諸侯，手持璽綬於梁，固其所

也。唐自高祖以來，至昭宣，凡二十一主，歷二百八十九年，而朱溫篡之，唐遂

以亡。

朱溫，賜名全忠。改元開平四。號梁太祖，與唐晉漢周爲五代。按五代共五十三

年，凡八姓，十三主，皆都汴，其爲天下首惡，莫如梁。蓋梁祖以黃巢賊黨降唐，

弑一后二主，何皇后，昭宗，昭宣帝。未幾，身亦被弑。爲次子友珪所弑。祚亦不長。友珪討友珪而自立，是爲末

德三，在位九年。梁共十七年，爲唐所滅。後唐莊宗。名存勳，本生朱耶，賜姓李。改元同光，在位三年。與梁本世仇。莊宗父克用，朱全忠屢謀殺之。莊宗

百戰以成父志，可稱英主。及卽位，惑於內嬖，皇后劉氏，以非次得立，招權納賄，荒於政遊。溺於伶人，從

謙之弑，有由然也。伶人郭從謙作亂，唐主爲流矢所中，遂殂。明宗因亂竊位，名嗣源，克用養子。李紹榮譟以反，乃引兵據大梁，及莊宗被弑，遂入洛陽卽

位。改元者二，天成四，長興四，在位八年。頗多善政。乃傳子未幾，閔帝名從厚，明宗子，改元應順？在位四月。而從珂弑之，從珂，明宗養子，廢閔

帝而自立，改元清泰，在位二年。唐共十四年。從珂與石敬瑭素不相悅，其命之鎮天下也，而有

不拒命者乎？從珂徙石敬瑭鎮天平，敬瑭拒命，表詔養子不當承祀。拒命而有不發兵致討者乎？唐主遣張敬達討敬瑭。敬瑭晉高

祖，唐明宗嬪，改元天福，在位七年。不得已求救於契丹，乃事之以父禮，賄之以幽薊十六州，六

州：幽，薊，瀛，莫，涿，檀，順，新，媯，儒，武，雲，應，寰，朔，蔚也。晉帝之立，固契丹功也。而出帝名重貴，敬瑭兄子，改元開運，在位四年。

不聽桑維翰之言，維翰屢勸晉主與契丹和。以契丹興，卒以契丹亡；出帝為契丹所虜，晉共十一年。景延廣十萬

橫磨劍，適足以自殺其軀而已。延廣謂契丹使者曰：『晉有十萬橫磨劍，足以相待。』後延廣為契丹所囚，遂自殺。劉知遠漢高祖，名

，與後唐後晉皆沙陀人。改元乾祐，在位二年。屬胡騎北還，中原乏主，得國最易，而國祚尤短；高祖傳子隱帝，名承祐，未改元

，在位二年，共四年。雖劉崇漢高祖弟稱帝於晉陽，北漢亦一傳而滅。崇子承鈞繼立，在位十七年。而周祖名威聿

興，改元廣順，在位三年。三年之間，善政相望，庶幾五代之賢主矣。至世宗，本性柴，名榮，周祖以

六年。英明武斷，能自將，所向無前，又勤於為治，惜功業未竟而殂。恭帝名宗訓，世宗

子。未改元，在位八月，傳於宋。甫立，會陳橋兵變，而「檢點」果作天子矣。世宗嘗於囊中得大簡，題曰：「檢點作天子。」後宋太祖為殿

前都檢點，率師禦北漢，次陳橋驛，兵變擁還，遂受禪。

豈非天將啓宋祚乎！不然，何世宗之賢而祚之不遠也！

周三主，共九年。

夫五代之亂極矣，中原方戰爭不息，而江淮楚蜀閩廣之間，割據者

復星羅碁布，

李昇據金陵，楊行密據廣陵，馬殷據潭州，高季興據荊州，前蜀王建後蜀孟知祥皆據成都，王審知據福州，劉隱據廣州為南漢，錢鏐據杭州，劉晏初名崇漢高祖同母弟據太原為北漢。

其中惟吳越錢氏

錢鏐，四傳。

稍為治安，南唐李氏李昇三世。稍知文物，餘悉淫亂昏虐，

至於南漢劉鋹作燒煮剝剔等刑，尤亘古未有。不有真主，其誰拯斯民於塗

炭乎！

宋興而天下一治。

太祖

姓趙，名匡胤。改元者三：建隆三，乾德五，開寶九，在位十七年。

以聖武之姿，順天人之

應。陳搏

華山隱士。

聞帝受禪曰：『天下自此定矣。』即位都汴，首先視學，

自為贊畫，孔顏座端。

郵民善政，次第施行，列國以次削平，

乾德元年平荆南，三年平蜀，開寶四年平南漢，八年平南唐。

釋宿衛藩鎮兵

權，罷石守信等典禁兵，罷王彥超等節度使。

繩賊吏重辟，

帝慎重刑辟，惟賊吏棄市。

與民休息，迄乎不平，及遣曹彬下

江南，諄諄戒以勿殺，

王全斌平蜀，多殺人，上每恨之，曹彬伐江南，戒之曰：「城陷之日，慎無殺戮。」

仁義道德之風，不減漢唐

矣。至於天下大器，本應傳子，帝乃奉太后遺命，

杜太后疾革，召趙普入受遺命，謂帝曰：「周世宗使幼兒主天下，故汝至此。汝百歲後

常傳光義，光義傳光美，光美傳德昭。」帝曰：「敢不如數。」普為誓書藏之金匱。

舍德昭

太祖

而傳位太宗。

名光義，太祖弟。改元者五：太平興國八，雍熙四，端拱二

，淳化五，至道三。在位二十二年。

及太宗聽趙普「豈容再誤」之言，卒背金匱之盟，

柴禹錫上變告秦王廷美，帝問趙普，

普對曰：「太祖已誤，陛下豈容再誤。」廷美遂得罪，安置房州。

且使德昭自裁，

帝克太原還，德昭請行太原之賞，帝怒曰：「待汝自為賞未晚也。」德昭退而自刎。

廷美憂

卒，

在房州以憂卒

其視太祖多慚德矣。然能用寇準李沆張齊賢呂端蒙正諸賢，故政

事修明，百姓樂業，所謂太平天子非耶！當是時，獨契丹入寇，邊郡未甯。至真

宗

名恆，太宗第三子。改元者五：咸平六，景德四，大中祥符九，天禧五，乾興一，在位二十五年。

時，遂有澶淵之役。賴帝不惑於欽若之

請幸金陵，陳堯叟之請幸成都，渡河而契丹奪氣，寇準得奏奇功。

景德元年，契丹大衆入寇，

寇準勸帝親征，乃幸澶淵，既渡河，遠近望見御蓋，皆踴躍呼萬歲，聲聞數十里，契丹解奪，遂議和。

惜乎事平而侈心漸生，自丁謂封禪之

議行，

帝恥澶淵之盟，王欽若勸帝封禪以誇示外國，帝意未決，以經費問丁謂，曰：「大計有餘。」遂議定。

賢如王旦，不敢異同。

初議封禪，帝曰：「王旦得無不可乎？」

。欽若曰：「臣喻以聖意，宜無不可。」乃乘間爲日言，且勉從之。於是勞民事神，水旱交作，所幸者其嗣主之賢耳。仁

宗立，名祐，真宗太子。改元者九：天聖九，明道二，景祐四，寶元二，康定一，慶歷八，皇祐五，至和二，嘉祐八。在位四十一年。太后垂簾，劉太后臨朝十一年。王曾正

色立朝，呂夷簡力持大體。至明道二年，親政之後，敬天勤民，慎刑薄斂，輔之

以韓琦，琦范富，仲淹歐文，修趙抃，抃諸賢，暨王德用，狄青諸將帥，奠國家於苞

桑之固，置百姓於衽席之安。升遐之日，天下如喪考妣。嗚呼！仁矣！惟郭后之

廢，爲白璧微瑕。郭皇后與美人尙氏楊氏忿爭，誤批帝頰，呂夷簡勸帝廢之，孔道輔范仲淹等皆以諫貶。帝無子，立濮王子宗質爲嗣，

號英宗，名曙，太宗曾孫，改元治平，在位四年。臨政必問古治，所宜裁決，皆出羣臣意表，雖嗣服不

長，天下詠歌聖德。至神宗立，名頊，英宗太子。改元者二：熙寧十，元豐八，在位十八年。用安石爲相，而天下亂

端又自此始矣。安石好學而泥古，帝誤用之，變更祖制，引羣邪，呂惠卿，章惇，曾布，蔡確等。

啓邊釁，熙寧初，王韶上平戎三策，安石以爲奇謀，於是用兵西北，迄無成功。元豐五年，靈州永樂之敗，死者六十餘萬人，帝始自悔。立新法，農田水利青苗均輸保甲免役市易保馬方田諸役

，相繼並興，韓琦富弼司馬光范純仁逐正人等，皆以言新法免斥。民怨日叢，外患日熾，至於終夜不寐，繞榻

而行，高遵裕伐夏，師潰於光靈州。

帝其有悔心乎，而已無及矣！幸哲宗嗣位，

名煦，神宗第六子，改元者三：元佑八，紹聖

四，元符三。在位十五年。

宣仁太后臨朝，英宗后高氏

相司馬光，而黜蔡確，罷新法，一時中外相慶。

不意光卒，光為相僅八月

太后旋崩，帝即召用蔡京等，以朋黨錮諸賢，

光為相盡除新法，京等目為朋黨，奪光等官，

流呂大防等于嶺南。

以紹述進羣小，

用章惇等布蔡下等，以復法為紹述。

安石之燄復熾。於是金狄之難萌，徽

欽之禍兆矣！徽宗，神宗子端王佶也，

名佶。改元者六：建中靖國一，崇寧五，大觀四，政和七，重和一，宣和七。在位二十五年。

欲述

父兄之志，

帝初即位，皇太后向氏臨朝，首以韓忠彥為相，復元祐諸臣官，惛下等以罪免。

而六賊以侈靡惑之，蔡京，梁師成，李彥，朱勗，王黼，童貫。

遂致中外騷然，天怒人怨。傳子欽宗，

名桓，改元靖康，在位一年。

未及二年，而父子被虜，舉

族北轅。

金兵南下，徽宗禪位太子。靖康元年十一月，京師陷。明年四月，金以二帝及宗室妃嬪北去，立張邦昌為帝。

夫約金伐遼，用趙良嗣策遼亡而宋

即隨之，始終「一」和字誤之也。

金兵再至，耿南仲專主和議，及陷真定，羣臣猶以相議為辭。京師陷，何桌欲率兵巷戰，金人宣言議和退師乃止。

按遼

自耶律德光以來，

德光遼太祖阿保機之子，是為太宗。

地廣兵強，世為邊患，

起唐天祐四年，至宋宣和七年亡，凡九主，歷二百十有八年。

女真

金太祖完顏阿骨打

以萬人起海上，一舉滅之，其鋒不可當。而宋自敗盟啓釁，

遂後繼以平之

來歸，納之。趙良嗣曰：「國家新興金盟，如此必失其權。」不聽，金人遂用此與師。

且圍城中僅有一李綱足以禦敵，而又罷之

以謝金人，一任浪子宰相

李邦彥

屈志買和，其不為遼續者幾何哉！二帝既北，

康王遂南。

康王構，徽宗第九子，元祐皇后孟氏遣使迎王入承大統。元者二：建炎四，紹興三十二，在位三十六年。都臨安。改

時李綱總理內治，撫河

東北以固根本，宗澤留守東京，結山水寨以振遠圖；

李綱請立河北招撫司河東經制司，若張所傳亮為之。宗澤連結河北河

東山水砦諸路人馬，皆願聽澤節制。

皆一時恢復之上策也。乃每事為汪

伯彥

黃善所抑，帝卒納其避

敵東南之計，又不都金陵，不都襄陽，而都臨安，有以知帝無恢復之志矣！於

是秦檜窺帝之隱，不欲迎還兩宮，因力主和議。雖有趙鼎岳飛韓世忠等文

武協力，而金牌之召，「莫須有」之獄，遂成千古之冤。

岳飛不附和議，秦檜一日以十二金牌召還。及罷飛，奉朝請，誣以子

岳雲與張憲書，命憲謀還飛兵，因附會成獄。韓世忠詣檜詰其實，檜曰：「書雖不明，其事莫須有。」世忠曰：「莫須有三字何以服天下也。」

嗚呼！帝真甘為小朝廷而不

恥耶？胡誥疏云：「臣有赴東海而死甯能處小朝廷求活耶。」

所幸陳康伯請下詔親征，虞允文大敗金師於采

石。金主亮南侵，陳康伯力諫下詔親征。金以大軍臨采石，警衆濟江，適允文稿師采石，招諸將大破之。

奈何允文「八可戰」之說，誤於史浩，允文

嘗今日有八可戰，以笏畫地，陳其利害。帝曰：『此史浩誤朕也。』

而吳璘又復班師三路，十三州復為金取也。吳璘新復十三州三軍，

時，史浩議窺陝西三路，詔璘班師，所得州軍復為金取。

孝宗名譽，太祖六世孫，高宗育于宮中，立為太子。改元者三：隆興二，乾道九，淳熙十六。在位二十七年。奉養上皇，始

終無間。信不愧乎為孝弟。首召張浚，倚如長城。而以符離一潰，帝以張浚為樞密使，都督江淮，謂陳

俊卿曰：『朕倚魏公如長城。』浚使李顯忠邵宏淵分道伐金，二將不協，大潰于符離，遂罷浚。

復遣使議和，中興之機於是乎絕。惟措置

兩淮屯田，陳俊卿以兩淮備禦未設，請于揚州和州屯田。下朱子社倉法於諸路，社倉之法夏貸冬還，雖雖武功不

足，而境內粗安。傳位光宗，名惇，孝宗第三子。改元紹熙，在位五年。而制於悍后，生不朝重華，死不行

喪禮，不孝莫大焉。壽皇居華宮，后李氏嘗憤壽皇，請責制帝不往朝。壽皇疾。羣臣請帝問疾，不從。及崩，帝稱疾不出，宰相正等請皇太后暫主喪事。後將禫祭

臨朝仆地。賴趙汝愚與太皇太后孝宗后定策，擁立甯宗，光宗臨朝，忽仆于地。趙汝愚白內禪意于太皇太后，乃詔嘉

王擴即位，光宗第三子。改元者四：慶元六，嘉泰四，開禧三，嘉定十七，在位三十年。民心悅懌，中外晏然。夫何甯宗即位之始，遽

為韓侂胄所惑，竄趙汝愚至死。侂胄有定策功，汝愚抑之，及得志，謂汝愚罷之，未幾竄永州暴卒。於是偽學之禁，亦如

端禮門奸黨之碑，胡紘乞禁用偽學之黨，王沈乞置偽學之籍。崇寧元年，蔡京籍司馬光等凡一百二十人為奸黨，立碑于端禮門。得罪著籍者五十

九人。以趙汝愚留正周必大王簡四人爲首，及朱熹徐誼蔡元定呂祖泰等五十五人。而侂冑勢益張，流毒海內。及既誅之，史彌遠

復出，侂冑定議伐金，公私困乏。史彌遠奉詔以兵權，至玉津園殲殺之，以其首界金人，乃罷兵。因皇子竑一言之怨，乘國大喪，矯詔廢

立，其罪固上通於天，而理宗亦安得爲正其始哉！甯宗無子，立宗室子貴和爲太子。彌遠用事久，太子患之，嘗書於几曰：「彌

還當決配八千里。」彌遠聞之大懼。帝崩，彌遠矯詔立沂王子貴誠。理宗名昀，太祖十世孫。政元者八：寶慶三，紹定六，端平三，嘉熙四，淳祐十二，寶祐六，開慶一，景定五。在位四十年。始信

彌遠，繼用賈似道，丁大全，謂眞德秀爲眞小人，魏了翁爲僞君子。梁成大語名人

賢士，排斥殆盡。且其時蒙古方強，滅金。金以政和五年稱帝，端平元年滅，傳十主，一百二十年。滅夏。夏自唐中和元年拓跋思恭據夏州

，宋雍熙二年稱帝，理宗寶慶三年滅，傳十二主，共二百四十三年。其心未厭，宋方自治之不暇，而聽趙范趙葵請復三

京之議，橫挑強虜，宋其殆哉！范葵請復三京，七月入洛陽，元兵復至，葵等棄汴而歸，元遣使來責敗盟，自是江淮間無甯日矣。度宗時名禛，理宗姪

。改元咸淳，在位十年。賈似道以去要君，帝至泣涕留之，賜第西湖之葛嶺，五日一朝，貪

風大肆，兵喪於外，匿不以聞。——襄陽，國家屏藩也，被圍三年，似道曾不以

爲意。帝問似道曰：「襄陽之圍已三年矣，奈何？」對曰：「陛下何從得此言。」帝曰：「適有女嬪言之。」似道誣以他事，賜死。至呂文煥以襄陽降元，襄陽久困，呂

文煥告急於朝，不應，而都城不可守矣。恭宗名暹，度宗次子，改元德祐，在位二年。立未二年，而北狩。兵元

入臨安，以帝及皇太后全氏福王與芮等北去。端宗即位福州。名昱，度宗長子。陳宜中張世傑奉帝即位，改元景炎，在位三年。而崩於嶺南。州。帝昀

度宗末子，即位于福州，在位二年。遷厓山，而元張宏範來攻，張世傑兵潰，陸秀夫負帝赴海，而宋

遂亡。嗚呼！當日之事勢雖去，而汪立信沿江之計，立信為沿江招討大使，移書似道，請沿江置屯，戰守並用，似道不聽。

文天祥四鎮之謀，天祥請境內分為四鎮，于揚州鄱陽長沙興隆建闢，約日齊奮，時議以為迂闊不報。未嘗不可有為也；而前阻於

似道，後惑於宜中令，宋十八主，三百二十年之社稷，竟湮沒於洪濤巨浪中！

華世傑兵潰于厓山，陸秀夫負帝昀赴海死，世傑亦舟覆死，宋遂亡。以是知天之不欲存趙氏，而元興矣！

元自太祖起幹難河，名鉄木真，稱帝沙漠。傳四世，太宗窩闊台，定宗貴由，憲宗蒙哥。至世祖，太祖孫，憲宗同母弟，名忽必烈。改元者

二：中統四，至元三十一，在位三十五年。承正統十六年。至元十六年滅宋，一統天下，都燕京。先是遼金西夏交

征合戰，起滅紛紜，至是天下又庶幾一治。史稱世祖度量宏遠，信用儒術，如

用許衡，擢趙孟頫等二十餘人，願歷授時，定朝儀，行鈔法，捐逋負，宥死罪，其

開國規模，有足觀者。**成宗**名鐵木耳，世祖孫。改元者二：元真二，大德十一，在位十三年。善於守成。**武宗**名海山，成宗兄子，改元至大，

在位四年。慨然欲創制改法，至元世祖年號**大德**成宗年號之政，稍變更矣。其孜孜爲治，一

遵世祖成憲，厥惟仁宗。名愛育黎拔力八達，武宗同母弟。改元者二：皇慶二，延祐七，在位九年。甫卽位，以周程十賢從祀

孔廟，詔以周敦頤、程頤、張載、邵雍、司馬光、朱熹、張栻、呂祖謙、許衡從祀孔子廟。詔行科舉，遣使巡行天下，問民疾苦，止征伐，

戒奢靡，而事太后以孝，待宗戚勳舊以禮，可不謂賢乎！惟舍姪立子，負武宗

恩。夫武宗有子二人，長和世球，明宗次圖帖睦爾，文宗方傳仁宗時，約以次傳於

和世球，延祐三年議建儲嗣時，鐵木迭兒欲固位取寵，乃議立英宗。名碩德八剌，仁宗長子

。改元至治，在位三年。迨英宗南坡被弑，帝自上都還，駐蹕南坡，爲鐵失所弑。泰定以支庶入繼大統，名也孫鐵木兒，成宗兄

子，改元泰定，在位五年。能剪除奸逆，誅鐵失等憫恤忠賢，亦賢主也。泰定殂，而和世球武宗長子卽

位，爲明宗。秦定祖，燕帖木兒以正統當歸武宗子，時明宗出鎮雲南，乃遣使迎立之，改元天歷，在位八月。圖帖睦爾武宗次子復襲位爲文宗。

明宗次子旺忽察都，暴崩。文宗遂襲位於上都，改元至順，在位五年。文宗不傳已子，而傳寧宗。名懿璘質班，明宗次子，未改元，在位二月。寧宗夭折，

傳於其兄，是為順帝。名妥，權帖木兒，明宗長子。收元者三：元統二，至元六，至正二十七，在位三十五年。當是時，伯顏專權自恣。

遂有異圖；伯顏為右丞相，撤敦為左丞相。至元元年六月，撤敦子唐其勢反，伯顏誅之，七月，伯顏弑皇后伯牙吾氏，專權自恣，天下惟有伯顏而已。賴脫脫大義滅

親，柳林下詔，脫脫，伯顏弟之子，與帝數伯顏罪狀，資赴柳林，復降詔安置南恩州，伯顏遂死。乃反伯顏之政，中外翕然。然至正

以後，帝溺于娛樂。行西僧房中運氣之術，斃宮女為天寶舞。於時劉福通，立韓林兒為帝，據亳州。徐壽輝，據蕪水，國號漢方

國珍，據溫合慶元三郡。明玉珍，據成都，國號夏。張士誠，據泰州，稱吳王。陳友諒，據江州，國號漢，後改都武昌。等狼顧鷗

張，乘機竊地；而宦官撲不花，搠思監，相為固結，四方警報，壅不上聞。至中山

徐達開平，常遇春長驅直入，而都城夜開，帝已北去。凡傳十世，歷八十八年而亡。

於是明興而天下一治。明太祖，姓朱，名元璋，收元洪武，在位三十一年。以淮右布衣，句容人慨然有

安天下之志。威名既著，豪傑景從，文則有劉基、宋濂等，武則有徐達、常遇春

等，義旗所指，靡不向風。然後定鼎金陵，命將四出，一舉平漢，諒友再戰滅吳，

張士誠三駕而元主遠遁，凡一切盜名竊字者，剗削消磨，如日出而燭火自息，

巍巍乎其有成功矣。登極之後，改制度，易服色，定禮制樂，戒母后臨朝，禁中官預政。洪武三十一年，海內熙洽，號稱太平。所惜者求治太急，用刑太嚴，賴馬后仁慈，隨事救正，則中宮之助，所係豈淺鮮哉！后每勸帝，以不殺人爲本。太孫建文繼統，名九叔，懿文太子之子，改元建文，在位四年，靖難兵入，遜位。後尊廟號曰惠宗。仁孝性成，無幾微失德，而不保厥終，蓋天意

在燕，非帝有以致之也。然燕王成祖始封蓄志不軌，既已疑之矣，及來朝乃復縱

之，既縱之而又詔讓之。迨「靖難」兵起，燕王起兵，稱靖難。又戒將士：「無使朕負殺叔

父名。」初命耿炳文北征，戒炳文語。則真宋襄之仁也。誤聽黃子澄薦李景隆，子澄薦景隆，詔以代炳文。燕王聞之曰：「九

江齊梁豎子，今之趙括也，喪師辱國，遂至金川失守，大內灰飛，李景隆開金川門迎燕兵入。須臾宮中火，闕宮自焚。入

蜀入滇，西南流落，可悲也已！帝祝髮出亡，至正統五年，詣思恩府自稱建文皇帝，迎入大內，號老佛，以壽終。雖方孝孺，成祖召孝孺

哭且罵，成祖大怒，夷十族。練子甯，副都御史，族誅。鐵鉉，兵部尙書，族誅。景清，清犯駕事覺，毒罵不已，抉其齒，噴血御衣，命鐵鉉刷其肉，肉盡罵已。諸人

忠義之氣，掀天揭地，亦何補哉！成祖永樂，名棣，太祖第四子，改元永樂，在位二十二年。誅戮忠臣，慘刻

特甚。而即位之後，修德行政，任賢去邪，所謂逆取順守者歟？八年親征北邊，十二年

親征瓦剌，十八年改都燕爲北京，二十年親征阿魯台，自是每年北征，二十二年七月崩於師。

仁宗 名高徹，成祖長子。公元洪熙，在位一年。

監國幾二十年。及登

大位，卽出夏原吉於獄，咨以國事；

原吉以諫親征，繫內官監，帝臨親繫所復原官，令出視事。

且謂方孝孺等皆忠

臣，宜從寬典；復委任黃淮楊溥蹇義楊士奇，君臣同心，希風三代，洪熙之政，

美不勝書。惜甫期晏駕，而高煦

成祖次子，封漢王。狂背，遽爾稱戈。宣宗

名瞻基，仁宗長子，公元宣德，在位十年。改

聽楊榮親征之請，克除大憝；

高煦反，榮首勸帝親征討平之。

復聽楊士奇之謀，保全趙王，

成祖第三子高

慈不失親親之禮。高煦既擒，羣臣請移師執趙王，楊士奇不可，帝乃封羣臣言章示之，王大喜，請削護衛，言者遂息。

宣德十年之間，欽文昭

武，功德俱隆。惟胡后廢，

后無子，孫貴妃生子，后請讓位居別宮，遂立貴妃爲皇后。

戴綸死，

綸以諫獲見忤下獄死。陳祚囚，祚勸帝御經筵

講衍義，逮繫獄。

不無遺恨焉。英宗

名祁鎮，宣宗長子，改元者二：初爲正統，十四年，復位，爲天順八年，在位共二十二年。

正統初任用三楊

士奇號西楊，溥號南楊，榮號東楊。

天下又安，皆張太后

仁宗后

之功也。太后崩，

正統七年

而生殺之權，盡

歸王振，內治不修，邊疆不守也。先

瓦剌順帝王脫懽子

入寇，挾帝親征，遂有土木之變。

次師

土木，敵四面圍之，上乘馬突圍不得出，遂北狩。名郜鉉，宣宗第二子，英宗北狩，帝監國，遂即位。改元景泰，在位八年。諡曰景皇帝。獨任于謙一

意固守，反危為安。假使聽徐瑄原名貞南遷之議，其不為南宋者幾希。也先以送上皇為名，入

紫荊關。徐瑄借言南遷，謙不可，乃止。惟迎復闕禮，北使來議和，帝命李實使北，止言報禮不及迎復，及上皇還，將抵居庸，王文猶以為疑。皇嗣改封，廢上皇太子為

沂王，立皇子見為太子。未免有袒臂之心。而英宗駕歸，都人懽躍，是人心尚未去也。何南

宮復辟，上皇居南宮，景帝不豫。徐有貞石亨曹吉祥等定謀殺牛溲南城，毀門入迎上皇復位。石亨輩假奪門迎駕之功，肆行無忌，竟

令于謙社稷之臣，冤沉東市。亨等誣謙與王文迎立外藩，遂殺謙等於市，而亨與吉祥卒以謀逆伏誅。然天順八年，用一李

賢，庶事咸理，而不忍除景泰年號。石亨謂景泰年號，帝曰：『吾不忍為也。』加宣德胡后徽號，宣宗廢后，追認為恭讓

后。章皇遣建庶人出居鳳陽，建文太子，年二歲，幽禁大內，五十餘年，令出居鳳陽，聽其婚嫁。其尤為盛德歟？憲宗，英宗名見深

長子。改元成化，在位二十三年。尊錢皇后為慈懿皇太后，生世周貴妃為皇太后。宗廟王易儲之

嫌，復于謙之故秩，謙子冕自戍所救歸，上疏訟父冤，詔復故秩。釋陳循江淵之戍邊，天順復辟時戍鐵嶺甚盛烈也。及

彭時商格去位，劉吉萬安秉鈞，以汪直為腹心，置西廠，令直攝督宮校刺事。以李孜省

夜會以符水得幸，掌通政司事，受密命，訪百官賢否。僧繼曉，曉以邪術進，身爲善世，發內庫銀造佛寺。爲耳目，雖有懷恩抗直，林俊以劾繼曉下獄，恩明顯

力爭乃得解。章革以寶石進鎮撫司，恩不肯傳旨。王恕忠貞，其如三大弊政何！龍宜官書言，路惑異端，幸孝宗名祐樞，憲宗第二子。改元弘治，在

位十八年。繼統，仁孝謙恭，四相徐溥劉健李東陽謝遷同心輔政，去萬安而召王恕，委劉大夏以

軍國大事，恕掌吏部，大夏掌兵部。弘治十八年間，君明臣良，百度具舉。其失在鄒智之貶，

智嘗劾內閣萬安劉吉尹直，爲吉所陷，貶廣東吏目。楊茂仁，爲李興陳銳所誣，謫長沙同知。李夢陽之獄，及夢陽既釋，中外懽呼，

至德如天地也。夢陽疏斥壽甯侯張鶴齡下獄，既而獄詞上，徑批令復職。奈何武宗立，名厚照，孝宗長子。改元正德，在位十六年。而劉瑾用

事，以瑾司禮監提督團營兵。雖有以死報國之韓文，文爲瑾所屢罷官，乘一驢宿野店而去。猶不能勝奄宦之勢，況伴

食中書哉！李東陽瑾伏誅，瑾陰謀不軌，張永發其奸，得反狀，伏誅。而江彬奸黨又起，率兵入衛，時近臣託言京軍不習戰

陣，調宣大兵將入衛，于是邊將江彬等入京，皆有寵於上。導上游獵巡邊，正德十三年，自稱威武大將軍。未幾，宸

濠反，賴王守仁起兵南贛，宸濠就擒。宸濠攻安慶時，守仁起兵入南昌，宸濠解安慶圍，還救，至鄱陽湖，守仁與戰，大敗之，因就擒。而上

假捕濠餘黨出巡，久駐南京，楊廷和梁儲等屢請回鑾，不聽，久之，始回北京。至豹房大漸，上多留宿豹房乃始知前

此皆由朕誤，今當與輔臣議處晚矣。遺詔立興獻王憲宗第三子，子厚，總嗣位，爲世

宗。改元嘉靖，在位四十五年。世宗以孝宗之姪，武宗之從弟，以弟承兄大統，則考孝宗而叔

興獻，毛澄等議是矣。顧乃聽張璉之邪說，謂上非漢哀，宋英可比，非定陶濮

王成迹可拘，遂考興獻皇興獻。漢哀帝，定陶恭王子也，成帝立爲太子。及即位，師丹等議云：「陛下繼體先帝，不宜復奉定陶恭王祭。」宋英宗，濮安懿王子

也，仁宗立爲太子。及即位，詔議崇奉濮王典禮，司馬光曰：「爲人後者爲之子，不得顧私恩。」張璉言漢哀宋英皆預立爲皇嗣，師丹司馬光之論施于彼一時則可，今皇上以倫序當立，非爲孝宗後也。上諭閣臣曰：「朕考稱

興獻太皇帝，聖母稱興獻皇太后。」楊廷和語。則是武宗遺詔不能因世宗而延其

嗣，反召興獻而亂其統。於是大禮之議紛紛，而大獄因之以起。楊慎等二百二十餘人，跪伏左順門，

哭聲震闕，帝大怒，詔下獄，爲首者廷杖成邊，餘以次貶謫。嵩爲相二十年，子世蕃。黨惡橫行，鄒憲卿趙文華等忠

良戮辱，徐學詩沈鍊王宗茂楊繼盛等而徒日事齋醮，自號「長生聖智帝君」。以方士陶仲文爲禮部尙書，加少師。嘗諭輔臣

曰：「朕欲命東宮攝國，諱攝一二年，即可親政。」是又一宋道君也！——四十五年，幾無一善可紀。而穆宗

名載璽，世宗第七子，改元隆慶，在位六年。隆慶六年間，凡先朝建言諸臣，生者錄用，死者優卹。帝即位，即日釋海瑞于

獄，楊繼盛等皆得釋。

善政足稱。至大漸之時，神宗

名翊鈞，穆宗長子。改元萬曆。

年甫十齡，張居正當國，大

要在尊主權，綜覈名實，不可謂非救時賢相也。繼用葉向高，尤得匡救之力。

而無如好逸好勝，好疑好貨，

都御史張養蒙上言：「陛下之成心有四」云云。

四十八年間，外則礦稅貂璫，

時內閣開礦之使，四出擾害居民。

內則妖書

有投匿名書於各署者，大約言鄭貴妃欲危太子事。帝聞大怒，下令大索，後駕其罪于熹生光，磔之于市。

挺擊

黨有男子持挺闖入東宮，擊

傷內侍，衆執之，犯名張差，問官定為風癩，而提牢官重加計問，語涉鄭貴妃弟國泰，帝大怒罷之，尋誅張差于市，事遂寢。

而邊庭又見告矣。

總兵杜松剿

光宗

泰昌

名常洛，神宗長子。萬曆四十八年八月後，改元泰昌。

僅一月而崩。熹宗

名由校，光宗長子。改元天啓，在位七年。

既立，李選侍尙

恃寵居乾清，楊漣左光斗亟請移宮以正名位。

選侍，光宗妃，光宗崩，左光斗屢請移宮，楊漣復上疏極言，選侍乃移居仁壽殿。

而李可灼之進紅丸，

光宗服紅丸，次日崩，上置可灼銀幣，御史王安舜奏參之。

與張差挺擊入宮事，論者各主一

說，誠如倪元璐所謂「各有其是，未可偏非。」

元璐疏云：「主挺擊者力護東宮，爭挺擊者計安神祖，主紅丸者仗義之言，爭紅丸者原

心之論，主移宮者彌變于幾先，爭移宮者持平于事後，六者各有其是，未可偏非。奈何逆璫害人，則借三案，羣小求榮，則又借三案。」

何逆奄

魏忠賢

亂政，作三朝要

典，翻三案以陷楊左諸賢，爲一網打盡之計。天啓七年之間，璫惡滔天，國脈

傷，元氣盡矣。故亡明者罪在熹宗，而不在懷宗也。懷宗名由儉，光宗次子，熹宗弟，改元崇禎。英明

剛健，自信邸入登天位。初封信王。磔魏譚忠賢鳳陽，至阜城，自經死，詔磔其屍。斬崔呈秀死，詔磔其屍。並誅客氏客氏

熹宗乳母，稱奉聖夫人，至是遂誅。天下快之。惜無知人之明，所用溫體仁周延儒楊嗣昌，皆所謂

亡國之臣也；一二蹇蹇諤諤，如黃道周劉宗周，皆以直言罷去。廟謨失算，禦

敵無人，致崇禎十七年，李自成直犯都城，天子披髮投繯，身殉社稷，且曰：「

任賊分裂朕尸，勿傷百姓一人！」嗚呼！其不愧為高皇帝子孫矣！自古亡國

之正，未有如有明者。明十六主，歷二百七十七年。其亡也獻張獻忠闖李自成二

賊，擾亂中原，屠戮之慘，較張角黃巢為更甚；而盈庭聚訟，曾無捍禦之策，我

大清世祖章皇帝，提兵入關，首驅逆闖，為明復仇，不數年間，天下底定。其大

一統之模，實與唐虞三代比隆，豈特軼宋明駕漢唐而已哉！

然則天下一治一亂，一興一亡，視乎其君，亦視乎其君之用人。秦不足

道也。自漢迄明，人才何可勝數？茲特舉其尤著者。漢有天下，詔定元功，位次

則蕭何爲首，迄於蟲達，凡十八人。蕭何，曹參，張敖，周勃，樊噲，酈商，奚涓，夏侯嬰，灌嬰，傅寬，斬欽，王陵，陳武，王吸，薛歐，周昌，丁復，蟲達

而良平不與焉。按班固泗水亭銘十八侯位次，有張良，陳平，紀通，而無奚涓。薛歐，丁復，與漢書侯表異。孝宣圖功臣於麟閣，則霍

光以下，迄於蘇武，凡十一人。大司馬大將軍姓霍氏不名，張安世，韓增，趙充國，魏相，丙吉，杜延年，劉德，梁，邱賀，蕭望之，蘇武。東漢圖

功臣於雲臺，則自鄧禹迄卓茂，凡三十二人。鄧禹，吳漢，賈復，耿弇，寇恂，岑彭，馮異，馬武，劉隆，馬成，王梁，陳俊，杜茂，傅俊，堅譚，王霸，任光，李忠，萬修，邳彤，劉植，以上爲雲臺二十八將，又益以王常，李通，竇融，卓茂。馬援以椒房之親不

與。援女爲顯宗明德皇后。而來欵征公孫述爲刺客所害，帝聞大驚，乃賜策曰：「欵攻戰連年，平定隴羌，憂國忘家，忠孝彰著。」何以遺之？唐圖功臣於

凌烟，自長孫無忌至秦叔寶，凡二十四人。長孫無忌，李孝恭，杜如晦，魏徵，房元齡，尉遲敬德，李靖，蕭瑀，段志元，劉安基，屈突通，殷

開山，柴紹長，孫順德，張亮，侯君集，張公瑾，陳知節，虞世南，劉政會，唐儉，李勣，高士廉，秦叔寶。而張亮侯君集何以與焉？二人皆以謀反誅。宋圖

功臣於昭勳崇德閣，則太平興國後，首趙普，迄韓忠彥，共十六人。趙普，曹彬，薛居正，石熙

載，潘美，李沆，王旦，李繼隆，王曾，呂夷簡，而呂端寇準杜衍范仲淹何以不與？靖康

曹瑋，韓琦，曾公亮，富弼，司馬光，韓忠彥。

以後，首呂頤浩，迄趙汝愚，凡八人，呂頤浩，趙鼎，韓世忠，張浚，陳康伯，史浩，葛邲，趙汝愚。而李綱宗澤岳飛

何以不與，乃列史浩其中。浩嘗主和議，王十朋論其誤國八罪。明功臣廟則首徐達，迄孫興祖，凡二

十一人，徐達，常遇春，李文忠，鄧愈，湯和，沐英，胡大海，馮國用，趙德勝，耿再成，丁德興，龔鼎海，華高，張德勝，吳良，吳楨，唐良臣，康茂才，吳復，茅成，孫興祖。而馮勝以

中原功，封右柱國，同參軍國事。以後數佩印巡邊，加太子太師。傅友德以平中原功多，封穎川侯，平蜀平雲南，特進祿勳，蓋功冠諸將，不聞罪狀，見疑賜死，國除。何以不與

焉？其運籌帷幄，言聽計從，如子房之於漢高，孔明之於昭烈，公瑾之於孫策，

王猛之於苻堅，鄴侯之於肅代，青田之於明祖，雖功業不同，而知遇則一也。

其身係天下安危，如霍子孟郭汾陽裴晉公韓魏公司馬溫公，千載曾無幾

人。其定大難，建非常，如呂后之亂，而有平勃；武后之亂，而有狄梁公；安史之

亂，而有郭李；李希烈諸鎮之亂，而有李西平；澶淵之役，而有寇萊公；土木之

變，而有于忠肅；宸濠之亂，而有王文成。至如關壯繆張睢陽宗留守岳武穆

余忠宣元余闕爲淮南宣慰副使，分守安慶，會陳友諒大會兵攻城，闕以孤軍血戰而死，謚忠宣。盧忠烈明盧象昇總督七省，辦賊屢勝。會督師欲分四路襲敵營，楊嗣昌阻之，僅提五千人

戰，身中二矢，二刃，陣亡，謚忠烈。功雖不成，而正氣塞於兩間矣。其抗節莫如顏真卿；為盧杞所陷，使宣慰李希烈，不

風，縊殺之。而宋行人洪皓，使金不屈，抱印符臥起者十五年。元行人郝經，使宋，賈似道幽之真州，守節不屈十六年。亦不在蘇武

下也。漢武帝使匈奴，留十九年，節旄盡落。東漢士多節義，而黨禍以起，君子無以自全，獨黃叔度

郭林宗不為危言覈論，與申屠蟠並得免於黨禍；唐牛勣、僧孺李裕，德裕黨有君子有

小人，宋元祐黨人則類皆君子；至明之東林諸君子，越漢唐而上之，而罹禍

更無窮也。東林始於萬曆間，顧憲成倡之，至天啓時魏忠賢亂政，矯旨逮東林黨人，殺戮削奪殆盡。晉俗風流相尚，而祖逖擊楫渡江，

逖為豫州刺史，中流擊楫而誓曰：『不能清中原而復濟者，有如大江。』太真灑泣登舟，蘇峻反，溫矯灑泣登舟，移告四方。與卞壺，蘇峻陷宮闕，壺為尚書令，力戰死之

，二子珍肝，桓彝，為宣城內史，蘇峻將韓晃攻城，彝固守經年，城陷死之。慷慨死難，其忠義有足多者。至如王逸

少清貴有鑒裁，陶淵明托契孤遊，不慕榮利，高風足尚焉。南朝故多名士，大

都能為楮淵生，不能為袁粲死。粲為宋司徒，以謀誅蕭道成不克而死。淵亦宋司空，為齊佐命。下迨五季，廉恥道喪，

至馮道極矣。道歷事唐晉漢周及契丹而亦尚有韓通，周侍衛副都指揮使，聞陳橋之變，自禁中歸謀帥衆禦之，為軍校王彥昇所害。程福贇，為

晉右肅都指揮使，契丹入寇，出帝北征，軍士夜縱火焚營，欲爲亂，福登身自救火，亂不得發。

唐末進退不汚者，尙有一司空圖，柳榮發驍臣，詔圖入

朝，關陽爲袁野放還，及哀帝被弑，不食而卒。

在韓偓之右，偓貶濮州司馬，及昭宗被弑，依王審知，終身不食梁祿。徽欽被虜，尙有一李若水，

金人逼二帝易服，若水抱持而哭罵不絕口，金人以刃裂頸斷舌而死。

與晉之瘦珉王雋，劉聰逼晉懷帝青衣行酒，侍中庾珉王雋死之。辛賓，驍又使晉愍帝執蓋，尙書郎辛賓抱帝

慟哭死。

同爲悲憤死也。謝枋得不屈而死，枋得遁入建陽，魏天祐逼之北行，不食二十餘日而死。

當與信國，文天祥封信國

公，殺于燕京之柴市。

並稱。至於有明壬午殉難方景，孝孺清諸公而外，甲申殉難范景文，城

赴龍泉巷古井死。

倪元璐，繪死李邦華，自經文丞相祠而下，尤未可更僕數也。歷代多外戚之患，而

當武后時乃有一武攸緒，稟官隱蓋山，不預武氏之禍。卽漢之陰興，光烈皇后弟，帝數欲封之固辭，又召爲大司馬，亦固辭。晉

之褚裒，康獻皇后父，后臨朝議加哀錄尙書事，裒上疏固請居藩。亦矯矯也。宦官之爲禍烈矣，而乃有呂強，強在靈帝時例

得封侯，固辭不受，數上書言曹節王甫之奸，請教黨人。

張承業，唐河東監軍，莊宗稱帝承業，仰天大哭曰：『悞老奴矣。』不食而卒。

明之金英，正統北狩，徐我倡南遷之議

，英大言曰：『懷恩，救林俊于獄，斥太監王敏，識王恕忠義。譚吉，憲宗賜太子五莊，吉曰：『天下河山皆主所有，何莊爲？』乃止。

亦不可沒其美也。君子不得已以風烈著聞，如朱雲折檻，雲上書斥張禹爲鄙夫，請斬之。上大怒，御史將雲下，雲拔殿檻，檻折，大呼曰：『臣得從龍逢此千

也。君子不得已以風烈著聞，如朱雲折檻，雲上書斥張禹爲鄙夫，請斬之。上大怒，御史將雲下，雲拔殿檻，檻折，大呼曰：『臣得從龍逢此千

遊矣。
張綱埋輪，漢安帝元年，遣八使巡行風俗，綱在使中，理其車輪于洛陽都亭曰：「豺狼當道，安問狐狸，遂劾大將軍梁冀。」
張陵叱梁冀，元嘉中歲首朝賀，梁冀

帶劍入省，陵呵叱之。
申屠嘉折鄧通，漢文帝寵鄧通，通在上旁怠慢，嘉爲丞相，召通將斬之，上使通謝罪。
彌衡罵曹瞞，瞞小字衡，羽林虎賁，奪冀劍。

曹坐操營門，以杖捶地大罵。
駱賓王檄討武曌，李敬業起兵討武氏，賓王爲檄文。
顏杲卿罵安祿山，杲卿守常山，城陷不屈，祿山節解之。

不絕口。段秀實笏擊朱泚，泚謀僭位，秀實以笏擊泚首，遂遇害。
柳伉之請誅程元振，伉上疏言：「陛下振首以謝天下。」由是放元振使歸田里。

胡詮請斬王倫秦檜，王倫借金使來議和，秦檜力主之，詮上疏請誅二人。
呂祖泰請誅韓侂胄，祖泰婺州處士，上書乞斬韓侂胄。

陳東請誅蔡京等六人，東以太學生伏闕上書請誅蔡京王黼童貫梁師成李彥朱勳以謝天下，京等由是得罪。
楊漣疏劾魏忠賢，魏忠賢二十四大罪。

楊繼盛疏劾嚴嵩父子，嚴嵩十罪五奸。
莫非忠義激烈，足以懾服羣奸也，文如董子之策「賢良」，董仲舒學賢良，凡三對策。

賈生之策「治安」，諫陳時政，可謂流涕者二，可謂長太息者六。
賈山之至言，山言治亂之道，借秦爲喻，名曰至言。

鮑宣之上哀帝書，時丁傅用事，孫息貫幸，宣爲諫議大夫，上書極諫。

蘇氏父子之上皇帝書，洵上仁宗皇帝書，賦上神宗皇帝書。
諸葛武侯之出師二表，魏徵之「十思」

十漸，徵上十思疏曰：「見可欲則思知足，將興廢則思知止，慮高危則思謙沖，懼盈滿則思抑損，遇逸樂則思撙節，在晏安則思後患，慮驕蔽則思延納，疾讒邪則思正己，行爵賞則思因喜而儻，施刑罰則思

初，怒而濫。」又疏言：陛下志業比貞觀，漸不克終者凡十條，帝嘉納之。**姚崇**之「十事要說」元宗欲相崇，先以十事要說：一願政先仁恕，二願不倖邊功，三願法

行自近，四願宦官不得與政，五願罷無名貢獻，六願威逼不得任臺省，七願接大臣以禮，八願不使直言之臣以忠獲罪，九願絕佛道營造，十願鑿祿葬關梁之亂為萬代法。**宣公**陸贄之奏議，

劉蕡之對策，蕡對策指斥宦官**杜牧**之「罪言」牧憤方鎮驕蹇不法，朝廷措置失術，言上策莫如自治，中策莫如取魏，最下策為混戰。嫌不當位而言，故為罪言

賈讓之策「治河」讓言治河有三策，徒冀州之民，放河使北入海，上策也；多穿漕渠以殺水勢，中策也；修故隄，下策也。**趙充國**之策「

屯田」充國上言緣邊屯田以禦虜，有十二便。**江統**之論「徙戎」晉時關隴屢為羌氏所擾，統作徙戎論。**王朴**之策「平

邊」朴獄平邊策於周世宗，言淮南可先取并，最後亡。其後宋削平四方，皆如朴策。**韓子**之原道論佛骨表，**歐陽修**之本論，並

為經世之文，有關於社稷生民者也。自古文章皆從經出，而經學莫盛於兩

漢，至以經術飾吏治，故漢之循吏，史不絕書。而道學之名，則始於宋。自程朱

以來，下逮薛瑄羅欽顧憲高龍固為一脈相傳，而金溪淵姚江王守仁亦何

可盡非者！總之學不惟其名，惟其實。君子立德，立功，立言，——如范文正做

秀才時便以天下為己任，曾不居道學之名，而有道學之實。——治則進，亂

則退，獨善其身可也，兼善天下可也。若夫悠然物外，如管寧漢處士，卒於魏。孫登晉人

，隱居宜陽山。

林逋

宋處士，隱居杭州孤山。

倪瓚

元高士

者流，得失不知，治亂不聞，則又超然於評

論之外也已。

□ 略論史讀釋註 □

不許翻印

全書精印一冊 定價一角五分

中華民國十七年十月重印

校點者

羣衆編輯部

發行者

羣衆圖書公司

印刷者

羣衆圖書公司

出版者

羣衆圖書公司

總發行所上海羣衆圖書公司

上海羣衆圖書公司印行

- 徐霞客遊記……標點整理……四冊……定價二元
- 三國志演義……標點整理……四冊……定價二元
- 閱微草堂筆記……標點整理……三冊……定價一元四角
- 東西漢演義……標點整理……三冊……定價一元六角
- 九尾色……標點整理……四冊……定價二元六角
- 陶淵明集……標點整理……一冊……定價五角
- 東來博議……標點整理……一冊……定價六角
- 唐詩三百首……標點整理……一冊……定價四角
- 鄭板橋家書……標點整理……一冊……定價一角五分
- 洄溪道情……標點整理……一冊……定價二角

上海图书馆藏书



A541 212 0008 8689B

